

# ODRŽAN SASTANAK SA PREDSTAVNICIMA OPĆINE BUŽIM

03.04.2025 23:30



U prostorijama Federalne geodetske uprave je dana 02.04.2025. godine održan sastanak predstavnika Uprave i općine Bužim. Na sastanku su učestvovali direktor Željko Obradović sa saradnicima i načelnik Mersudin Nanić sa svojim saradnicima.

Kao rezultat potpisanog Sporazuma o zajedničkom finansiranju javne nabavke usluga „Izrada baze podataka katastra komunalnih uređaja“ te okončanja postupka javne nabavke potpisan je i Okvirni sporazum. Projektom je predviđena izrada baze podataka katastra komunalnih uređaja za područje općine Bužim što podrazumijeva digitalizaciju elaborata snimanja komunalnih uređaja i uspostavu informacionog

sistema, a predviđeni rok izrade baze podataka KKKU je tri mjeseca.

Nadalje, na sastanku su analizirane i usaglašene aktivnosti i budući koraci na implementaciji projekta uspostave digitalnog arhiva i adresnog registra. Općina Bužim će kroz implementaciju novog informacionog sistema katastra i zemljišne knjige u potpunosti osjetiti benefite usaglašene evidencije o nekretninama (katastra nekretnina) kao i ubrzani i olakšani proces provođenja promjena, čime će se podići sigurnost podataka o nekretninama, smanjiti mogućnost grešaka i omogućiti efikasnije upravljanje imovinsko-pravnim odnosima.